



ՄԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒՌՈՒՄ

Հայ Առաքելական Եկեղեցին դարերի ընթացքում սերնդե-սերունդ է փոխանցել մի գեղեցիկ ավանդություն. յուրաքանչյուր տարվա դեկտեմբերի 25-ին՝ Սուրբ Ստեփանոս Նախավկայի սուրբ օրը, հոգևոր հաստատության ուսանողության արժանավոր ներկայացուցիչները ստանում են սարկավագական ձեռնադրություն Հայ Առաքելական Սուրբ Եկեղեցու սպասավորության համար:

Սակայն այս տարի մեր ժողովրդին պատահած հոգեցունց աղետի պատճառով խախտվեց այդ ավանդությունը, քանզի Ս. Էջմիածնի ողջ միաբանությունն ու ուսանողությունը լծված էին երկրաշարժից տուժածներին օգնելու գործին:

Մայիսի 7-ին, կիրակի.

Այսօր, ժամը 10.30 ժամին, Մայր տաճարի Ավագ խորանի վրա սկսվում է տոնական Ս. Պատարագի արարողությունը:

Օրվա պատարագիչն է Մայր Աթոռի միաբան Ս. Նավասարդ արքեպսկոպոսը:

Պատարագի Ս. Գրական ընթերցումներից առաջ սկսվում է հոգևոր ճեմարանի Ե լսարանի 7 ուսանողների սարկավագական ձեռնադրությունը՝ ձեռամբ Մայր Աթոռի լուսարարապետ Ս. Հուսիկ արքեպսկոպոսի և խարտավիլականք Ս. Սեպուհ արքեպսկոպոսի:

Նորընծա սարկավագները ծնկաչոք բարձրանալով Ս. Խորան, ձեռքները գրգռներից վեր բարձրացնելով «Ի տես ժողովրդեան» հրաժարվում են աշխարհիկ կյանքից:

Այդ նույն պահին դպրաց դասը «Ի լուր ժողովրդեան» վկայում է «Աստուածային և երկնային շնորհ, որ միշտ լնու զպէտս սրբոյ սպասաւորութեան առաքելական եկեղեցւոյ, կոչէ զՅակոբ և զԳարսևան, զԿամոյ, զԱլուանդ և զԷդուարդ, զՅովհաննէս և զՇահէն ի դպրութենէ ի սարկավագութիւն ըստ վկայութեանց անձանց իրեանց և անկեանց ժողովրդեան»:

Ձեռնադրող Ս. Հուսիկ արքեպսկոպոսը Ս. Երրորդությանը ուղղված մեր բազմադարյան աղոթքները ընթերցելուց հետո նորընծա սարկավագներին իրավունք է շնորհում սարկավագական խորհրդանիշ ուրար կրելու, Ավետարան ընթերցելու, Սուրբ Խորանին և Պատարագին սպասավորելու համար:

Հետ ձեռնադրության գերաշնորհ սրբազան հայրը իր հաջորդական բարեմաղթանքներն ու շնորհավորական խոսքն է ուղղում նորընծաներին:

Մայիսի 8-ին նորընծա սարկավագները, գլխավորությամբ Ս. Հուսիկ արքեպսկոպոսի, ճեմարանի տեսուչ Ս. Եզնիկ քահանայի:

Պետրոսյանի, փոխտեսուչ Տ. Սեպուհ աբեղա Չուլջյանի ներկայանում են Ամենայն Հայոց Կաթողիկոս Վազգեն Ա-ին: Ազգիս Հայոց Վեհափառ Հայրապետը իր օրհնությամբ է տալիս 7 նորընծաներին և մաղթում, որ անդրանիկ 7 սարկավազների, հատկապես Ստեփանոս Նախասարկավազի օրհնակով մինչև վերջ հաստատ մնան իրենց սրբազան ուխտի և հավատքի մեջ, Ավետարանի աստվածատուր լույսով լուսավորեն մարդկային խոպան հոգիները, ամսնացորդ կերպով ծառայելով առաքելահաստատ Սուրբ Եկեղեցուն ու ժողովրդին:

ՀԱՅՈՐԲ ՍԱՐԿԱՎԱԳ ԻՍԿԵՆՅԱՆ

Ծնվել է 1965 թ. դեկտեմբերի 10-ին Սիրիայի Հալեպ քաղաքում:

1986 թ. մայիսին ընտանիքով ներգաղթել են Մայր Հայրենիք և բնակվել Լենինական քաղաքում:

1972—82 թթ. սովորել և ավարտել է տեղի Պետրոս Դուրյանի անվան միջնակարգ դպրոցը:

1982—83 ուս. տարում ընդունվել է Ս. Էջմիածնի հոգևոր ճեմարան:

1984—86 թթ. ծառայել է խորհրդային բանակում, որից հետո շարունակել ուսումը հոգևոր ճեմարանում:

ԳԱՐՍԵՎԱՆ ՍԱՐԿԱՎԱԳ ԵՐԱՆՅԱՆ

Ծնվել է 1965 թ. մայիսի 9-ին Էջմիածնի շրջանի Դաշտ գյուղում:

1972—80 թթ. սովորել է տեղի ութամյա դպրոցում, իսկ 1980—82 թթ. ավարտել է Էջմիածնի շրջանի Ծառույան գյուղի միջնակարգ դպրոցը:

1982—83 ուս. տարում ընդունվել է Ս. Էջմիածնի հոգևոր ճեմարան:

1983—85 թթ. ծառայել է խորհրդային բանակում, որից հետո շարունակել ուսումը հոգևոր ճեմարանում:

ԿԱՄՈ ՍԱՐԿԱՎԱԳ ՄՈՎՍԻՍՅԱՆ

Ծնվել է 1964 թ. սեպտեմբերի 23-ին Արուսյանի շրջանի Գողթ գյուղում:

1971—81 թթ. սովորել և ավարտել է տեղի միջնակարգ դպրոցը:

1982—83 ուս. տարում ընդունվել է Ս. Էջմիածնի հոգևոր ճեմարան:

1983—85 թթ. ծառայել է խորհրդային բանակում, որից հետո շարունակել ուսումը հոգևոր ճեմարանում:

ԱՎԱՆԴ ՍԱՐԿԱՎԱԳ ԶԱՐԳԱՐՅԱՆ

Ծնվել է 1966 թ. մայիսի 1-ին Պարսկաստանի Թեհրան քաղաքում:

1972 թ. ընտանիքով ներգաղթել են Մայր Հայրենիք:

1982 թ. ավարտելով Էջմիածնի № 10 միջնակարգ դպրոցը, ընդունվել է Ս. Էջմիածնի հոգևոր ճեմարան:

1984—86 թթ. ծառայել է խորհրդային բանակում, որից հետո շարունակել է ուսումը հոգևոր ճեմարանում:

ԷԴՎԱՐԴ ՍԱՐԿԱՎԱԳ ՄԻՐՋԱԽԱՆՅԱՆ

Ծնվել է 1965 թ. հուլիսի 21-ին Էջմիածնի շրջանի Աթարբեկյան գյուղում:

1972—82 թթ. սովորել և ավարտել է տեղի միջնակարգ դպրոցը:

1982—83 ուս. տարում ընդունվել է Ս. Էջմիածնի հոգևոր ճեմարան:

1984—86 թթ. ծառայել է խորհրդային բանակում, որից հետո շարունակել է ուսումը հոգևոր ճեմարանում:

ՀՈՎՀԱՆՆԵՍ (ԶՈՆ) ՍԱՐԿԱՎԱԳ ԱՆՏՈՆՅԱՆ

Ծնվել է 1961 թ. օգոստոսի 12-ին Երևան քաղաքում:

1968—78 թթ. սովորել և ավարտել է տեղի Հակոբ Պարոնյանի անվան միջնակարգ դպրոցը:

Մեկ տարի Երևանի Ռեյնյի գործարանում աշխատելուց հետո, 1979—81 թթ. ծառայել է խորհրդային բանակում, որից հետո շարունակել է աշխատանքը նույն վայրում:

1984—85 ուս. տարում ընդունվել է Ս. Էջմիածնի հոգևոր ճեմարան:

ԾԱՀԵՆ ՍԱՐԿԱՎԱԳ ՄԱԶԼՈՒՄՅԱՆ

Ծնվել է 1963 թ. մարտի 31-ին Կահիրեում:

Նախնական կրթությունը ստացել է ամերիկյան նախակրթարանում, որն ավարտելուց հետո եկել է Մայր Հայրենիք և ընդունվել Երևանի Կ. Մարքսի անվան պոլիտեխնիկական ինստիտուտի էլեկտրապարատների սարքավորման բաժինը:

Երկու տարի ուսանելուց հետո 1985 թ. դեկտեմբերին ընդունվել է հոգևոր ճեմարան:

* * *

«Էջմիածին» ամսագրի խմբագրությունը ջերմորեն շնորհավորում է նորընծա սարկավազներին, ողջունում նրանց Հայ Առաքելական Եկեղեցում զինվորագրվելու սըրբազան ուխտը: